

40330.31.
138
部=24

韶州府志

第二十四册

卷三十八

列傳

卷三十九

藝文

卷四十

雜錄

韶州府志卷三十八

列傳

釋道

智藥禪師 梁

大鑒禪師

法海

志誠

法達

神會

智通

志徹

石頭和尚

定慧大師

崛多三藏

永光禪師

道廣

本靜

惠朗

如會禪師

韶州府志卷三十八

列傳 釋

惠慈禪師

惠寂 以上唐

如敏

廣悟禪師

文偃

子祥 章禪師

師簡

聰公

贊聖禪師 以上五代

惠林 邵思

重辯 珪首座

了玟

黃龍死心禪師

清一叟

龔卞

晞賜

法廣 以上宋

祖祈

憨山禪師

澤萌遇禪師

今辯

今佛

今端

今龍

今毬

古義

何法隆

楊齋姑

以上明

行臘

了石

法清

以上俱釋

國朝

康容

漢

方七千

黃步松

葛先生

以上五代

九仙

宋

范嵩

羅清

以上明俱道

梁釋

智藥禪師天竺國僧也武帝天監元年自西土來過曹溪口飲水香美曰此迦上流必有勝地尋之

韶州府志卷三十八

列傳

釋

遂開山立石寶林預記一百七十年後有肉身菩

薩來此演法至唐六祖傳黃梅衣鉢于曹溪果符

其說卽今南華寺是也嘗住羅浮創寶積寺復來

韶開檀特寺靈鷲寺朝游羅浮暮歸檀特神異莫

測普通六年于羅浮受龍王請入海演法不復返

將去時剪爪髮付弟子善普塑像永鎮檀特

舊志

唐

大鑿禪師姓盧名惠能本范陽人父行瑫失官安

置新州母李氏感異夢懷孕六年而生時貞觀十

二年二月八日子時也三歲喪父母守志鞠養年

二十四聞經有悟乃往黃梅參禮五祖著居精廡

一日弟子神秀呈偈出于壁間云身是菩提樹心如明鏡臺時時勤拂拭勿使惹塵埃師不識字聞人誦之乃爲偈請人書其側曰菩提本無樹明鏡亦非臺本來無一物何處惹塵埃五祖見之恐人損害將鞋擦偈曰亦未見性次日潛至碓房見師腰石舂米問米熟也未曰米熟久矣五祖以杖擊碓三下而去師卽會意三鼓入室與說金剛經言下大悟卽以達摩所傳衣鉢授之

嶺海名勝記

曰衣爲

爭端止汝勿傳若傳此衣命如懸絲須速去恐人害汝行至大庾嶺逐後數百人來欲奪衣鉢一僧俗姓陳名惠明先是四品將軍性行粗慥爲衆人

先師擲衣鉢于石上曰此衣鉢信可力爭耶惠明提掇不動作禮云望行者爲我說法師曰不思善不思惡那箇是明上座本來面目明言下卽悟而去後至曹溪又被惡人尋逐乃于四會避難獵人隊中凡經一十五載儀鳳丙子師至廣州法性寺值印宗法師講涅槃經因二僧論風旛義一曰風動一曰旛動師曰不是風動不是旛動仁者心動一衆駭然印宗延至上席云久聞黃梅衣法南來莫是行者否師曰不敢于是爲剃髮受戒次年春師辭衆歸曹溪寶林見堂宇湫隘不足容衆欲廣之遂謁里人陳亞仙曰欲就檀越求坐具地仙問

坐具幾何師以坐具一展盡罩曹溪四境四天王見身坐鎮四方今有天王嶺因茲而名仙曰知和尙法力廣大但吾高祖墳墓坐此地他日坐塋幸望存留餘願盡捨遂成蘭若一十三所寺殿前有潭龍常出沒其間觸撓林木一日現形甚巨師叱之曰你只能現大身不能現小身俄頃現小身躍出潭面師展鉢曰你敢入老僧鉢裡龍游揚至前以鉢舀之與龍說法遂脫骨而去骨長七寸首尾角足皆具留傳寺門後以土堙其潭殿左側鐵塔是也神秀嘗奏則天迫師赴都固辭中宗遣內侍薛簡馳詔迎請亦不奉詔遂送百衲袈裟及錢帛

等以供養太極元年

即先天元年

七月八日忽謂門人

吾欲歸新州汝等速理舟楫大衆哀留師曰諸佛出現猶示涅槃有來必去理亦常然又問此後有

無難否曰吾滅後五六年當有一人欲取吾首聽

吾讖曰頭上養親口裏須餐遇滿之難楊柳爲官

先天二年

即開元元年

八月初三日端坐至三更謂門

人曰吾行矣奄然遷化春秋七十有六于時異香滿室白虹屬地廣韶新三郡官僚洎門人緇白爭迎真身莫決所之乃焚香禱曰香烟指處師所歸焉香烟直指曹溪遂遷神龕而回門人念取首之記以鐵葉漆布固護師頸師人塔後至開元十年

八月三日夜半聞塔中如拽鐵索聲衆僧驚起見一孝子從塔中走出尋見師頸有傷具以賊事聞于州縣縣令楊侃刺史柳無忝捕得賊人鞫問云張淨滿汝州梁縣人于洪州開元寺受新羅僧金大悲錢二十千令取大師首供養柳守至曹溪問師上足令韜如何處斷韜曰若以國法論理須誅但佛教慈悲况彼求供養罪可恕矣遂赦之上元二二年肅宗遣使請衣鉢供養永泰元年代宗夢師請衣鉢勅刺史楊緘云朕夢感能禪師請傳衣袈裟却歸曹溪令遣鎮國將軍劉景崇頂戴而送可于本寺如法安置憲宗諡大鑒禪師塔曰元和靈

照宋太宗加諡大鑑真空禪師太平興國之塔仁宗天聖十年具安輿迎真身及衣鉢入大內供養加諡大鑑真空普覺禪師神宗加諡大鑒真空普覺圓明禪師宋加諡廣照肉身迨今猶存

曹溪通志

師自黃梅得法回至韶州曹侯村人無知者時有儒士劉志畧禮遇甚厚志畧有姑爲尼名無盡常誦大涅槃經師聽卽知妙義遂爲解說尼乃執卷問字師曰字卽不識義卽請問尼曰字尙不識曷能會義師曰諸佛妙理非關文字尼驚異之遍告里中云此有道之士宜請供養有曹叔良及居民競來瞻禮時寶林古寺自隋末

兵火已廢遂於故基重建梵宇延師居之俄成

寶坊壇經

案屈胸布華言達摩梁時持衣鉢航海至廣

州後居嵩山少林寺以法傳慧可慧可傳僧

璨僧璨傳道信道信傳宏忍宏忍傳惠能惠

能傳于達摩在中土為六世謂之六祖阮通志

唐王維六祖禪師碑銘無有可捨是達有源無空
可住是知空本離寂非動乘化用常在百法而無
碍周萬物而不殆鼓洩海師不知菩提之行散花
天女能變聲聞之身則知法本不生因心起見見
無可取法則常如世之至人有證於此得無漏不
盡漏度有為非無為者其惟我曹溪禪師乎禪師
俗姓盧氏某郡某縣人也名是虛假不生俗姓之
家法無中邊不居華夏之地善習表於兒戲利根
發於童心不私其身臭味於耕桑之侶苟適其道
羶行於蠻貊之鄉年若干事黃梅忍大師願竭其

韶州府志卷三十八

列傳

釋

六

力即安於井臼素刻其心獲悟於梯稗每大師登
座學眾盈庭中有三乘之根共聽一音之法禪師
默然受教會不起予退省其私迥超無我其有猶
懷渴鹿之想向求飛鳥之跡香飯未消弊衣仍覆
皆曰升堂入室測海窺天謂得黃帝之珠堪授法
王之印大師心知獨得謙而不鳴天何言哉聖與
仁豈敢子曰賜也吾與汝不如臨終遂密授以祖
師袈裟謂之日物忌獨賢人惡出己子且死矣後
其行乎禪師遂懷寶迷邦銷聲異域衆生為淨土
雜居止於編人世事是度門混農商於勞侶如此
積十六載南海有印宗法師講涅槃經禪師聽於
座下因問大義質以真乘既不能酬翻從請益乃
歎曰化身菩薩在此色身肉眼凡夫願開慧眼遂
領徒屬盡詣禪居奉為挂衣親自削髮於是大興
法雨普灑客塵乃教人以忍日忍者無生方得無
我始於成初發心以為教首至於定無所入慧無
所依大身過於十方本覺超於三世根塵不滅非
色滅空行願無成即凡成聖舉足下足長在道場
是心是情同歸性海商人告倦自息化城窮子無
疑直開寶藏其有不植德本難入頓門妄繫虛花
之狂會非慧日之各常歎曰七寶布施等恒河沙
億劫修行盡大地墨不如無為之運無礙之慈宏

濟四生大鹿三有既而道德遍覆名聲普聞泉館
卉服之人去聖歷劫塗身穿耳之國航海窮年皆
願拭目於龍象之姿忘身於鯨鯨之口駢立於戶
外跌坐於床前林是旃檀更無雜樹華惟蒼荀不
嗅餘香皆以實歸多離妄執九重延想萬里馳誠
思布髮以奉迎願叉手而作禮則天太后孝和皇
帝並勅書勸諭徵赴京城禪師子牟之心敢忘鳳
闕遠公之足不過虎溪固以此辭竟不奉詔遂送
百衲袈裟及錢帛等供養天王厚禮獻玉衣於幻
人女后宿因施金錢於化佛尚德貴物異代同符
至某載月日忽謂門人曰吾將行矣俄而異香滿
室白虹屬地飯食訖而敷坐沐浴畢而更衣彈指
不留水流燈焰全身永謝薪盡火滅山崩川竭鳥
哭猿啼諸人唱言人無眼目列郡動哭世且空虛
某月日遷神於曹溪安坐於某所擇吉祥之地不
待青鳥變功德之林皆成白鶴嗚呼大師至性醇
一天姿貞素百福成相衆妙會心經行宴息皆在
正受談笑語言曾無感論故能五天重跡百越稽
首修蛇雄虺毒螫之氣銷跳及彎弓猜悍之風變
畎魚悉罷蠱醜知非多絕羶腥效桑門之食悉棄
畧網襲稻田之衣永惟浮圖之法實助皇王之化
弟子曰神會遇師於晚景聞道於中年廣量出於

韶州府志卷三十八

列傳

釋

七

凡心利智踰於宿學雖未後供樂最上乘先師所
明有類獻珠之顧世人未識猶多抱玉之悲謂余
知道以頌見託偈曰 五蘊本空六塵非有終生
倒計不知正受蓮花承足揚枝生財苟離身心孰
爲休咎至人達觀與佛齊功無心捨有何處依空
不著三界徒勞八風以茲利智遂與宗通愍彼偏
方不聞正法俯同惡類將興善業教忍斷嗔修慈
捨獵世界一華祖宗六葉大開寶藏明示衣珠本
源常在妄轍遂殊過動不動離俱不俱吾道如是
道豈在吾道遍四生常依六趣有漏聖智無義章
句六十二種一百八論

悉無所得應如是住

唐柳宗元大鑿禪師碑銘扶風公廉問嶺南三年
以佛氏第六祖未有稱號疏聞於上詔諡大鑿禪
師塔曰靈照之塔元和十年十月十三日下尚書
祠部符到郡府公命部吏泊州司功掾告於其祠
幢蓋鐘鼓增山盈谷萬人咸會若聞鬼神其時學
者千有餘人莫不欣踴奮厲如師復生則又感悼
涕慕如師始亡因言曰自有生物則好鬪奪相賊
殺喪其本實諄乖淫流莫克返於初孔子無大位
沒以餘言持世更楊墨黃老蓋雜其術分裂而吾
浮圖說後出推離還源合所謂生而靜者梁氏好

作有爲師達摩譏之空術益顯六傳至大鑒大鑒始以能勞苦服役一聽其言言希以究師用感動遂受信具遁隱南海上人無聞知又十六年度其可行乃居曹溪爲人師會學去來嘗數千人其道以無爲爲有以空洞爲實以廣大不蕩爲歸其教人始以性善終以性善不假耘鋤木其靜矣中宗聞名使幸臣再徵不能致取其言以爲心術其說具在今布天下凡言禪皆本曹溪大鑒去世百有六年凡治廣部而以名聞者以十數莫能揭其號乃今始告天子得大諡豐佐吾道其可無辭公始立朝以儒重刺虔州都護安南由海中大蠻夷連身毒之西浮舶聽命咸被公德受旗纛節戟來莅南海屬國如林不殺不怒人畏無盡允克光於有仁昭烈大鑒莫如公宜其徒之老乃易石於宇下使來謁辭其辭曰達摩乾乾傳佛語心六承其授大鑒是臨勞勤專默終揖於深抱其信器行海之陰其道爰施在溪之曹厖合猥附不夷其高傳告咸陳惟道之衰生而性善在物而具荒流奔軼乃萬其趣匪思愈亂匪覺滋誤由師內鑒咸獲於素不植胡根不耘胡苗翻字鱗鱗訓詁河中一外融有粹孔昭在帝中宗聘言於朝陰翊王度俾人逍遙百有六祀號諡不紀由扶風公告今天子尙

韶州府志卷三十八

列傳

釋

八

書旣復大行乃誄光於南土其法再起厥徒萬億同悼齊喜惟師教所被洎扶風公所履咸戴天子天子休命嘉公德美溢於海隅浮圖是視師以仁傳公以仁理謁辭圖堅永允不已

劉禹錫大鑒禪師第二碑銘元和十一年某月日詔書追褒曹溪第六祖能公諡曰大鑒實廣州牧馬總以疏聞繇是可其奏尙道以尊名同歸善善不隔異教一字之褒華彝允懷得其所故也馬公敬其事且謹始以垂後遂咨於文雄今柳州刺史河東柳君爲前碑後三年有僧道琳率其徒由曹溪來且曰願立第二碑學者志也惟如來滅後中五百歲而摩騰竺法蘭以經來華人始聞其言猶夫重昏之見名爽後五百歲而達摩以法來華人始傳其心猶夫昧旦之觀白日自達摩六傳至大鑒如貫意珠有先後而無同異世之言真宗者所謂頓門初達磨與佛衣俱來得道傳付以爲真印至大鑒置而不傳豈以是爲筌蹄耶芻狗耶將人之莫己若而不若置之耶吾不得而知之也按大鑒生新州三十出家四十七年而歿旣歿百有六年而諡始自楚之東山從第五祖得授記以歸高宗使中貴人再徵不奉詔第以言爲貢上敬行之銘曰至人之生無有種類同人者形出人者智蠢

靈南喬降生傑異父乾母坤獨肖元氣一言頓悟
不踐初地五師相承授以寶器宴坐曹溪世號南
宗學徒爰來如水之東飲以妙藥痊其瘡聲詔不
能致許爲法雄去佛日遠羣言積臆着空執有各
走其域我立眞筌揭起南國無修而修無得而得
能使學者還其天識如黑而迷仰見斗極得之自
然竟不可傳口傳手付則礙於有雷衣空堂得者
天授

法海字文允俗姓張氏曲江人出家鶴林寺爲六
祖弟子天寶中預揚州法慎律師講席初參六祖
問卽心卽佛其義何居祖曰前念不生卽心後念
不滅卽佛成一切相卽心離一切相卽佛若吾具
說窮劫不盡法海大悟舊志

志誠泰和人初參神秀秀令往曹溪質疑乃隨衆
參請祖曰今有盜法之人潛在此會誠卽禮拜具

陳其事祖曰汝師若爲示衆曰長誨大衆住心觀
靜長坐不臥曰住心觀靜是病非禪長坐拘身於
理何益衆聽吾偈曰生來坐不臥死去臥不坐元
是臭骨頭何爲立功過志誠再拜曰弟子在秀大
師處學道九年不得契悟今聞和尚一說便契本
心願爲執持朝夕不懈壇經

法達豐城人念法華經三千部未知宗趣祖令念
至方便品曰止此經以因緣出世爲宗何者因緣
唯一大事一大事卽佛知見汝勿錯聽吾偈曰心
迷法華轉心悟轉法華誦經久不明與家爲讐家
無念念卽正有念念成邪有無俱不計長御白牛

車達聞偈領悟

嶺海名勝記

神會襄陽人年十四爲沙彌謁六祖祖曰知識遠來將本來否若有本則合識主曰以無住爲本見卽是主後祖授記云此子向後設有把茅蓋頭也只成得箇知解宗徒祖滅後曹溪頓旨沈廢於荆吳嵩岳漸門盛行於秦洛天寶間方定兩宗乃著顯宗記

智通安豐人看楞嚴經不會三身四智禮師求解祖曰三身者清淨法身汝之性也圓滿報身汝之智也千百億化身汝之行也若離本性別說三身卽名有身無智若悟三身無有自性卽名四智菩

韶州府志卷三十八

列傳

釋

十

提通遂頓悟

俱同上

志徹江西人姓張名行昌少任俠自南北分化二宗徒侶競起愛憎時北宗門人自立秀師爲六祖而忌祖師傳衣爲天下聞乃囑行昌來刺師師心通預知置金十兩於座間夜行昌入室將欲加害師舒頸就之行昌揮刃者三無所損師曰負汝金不負汝命行昌驚仆求罪悔過卽願出家師遂與金曰汝且去恐徒衆害汝他日易形而來吾當攝受行昌宵遁後出家來覲爲說涅槃盤經忽然大悟師曰汝徹也宜名志徹徹禮謝而退

壇經

石頭和尚高要人姓陳氏名希僊六祖弟子嘗參

清源山思和尚唐天寶中之衡山南嶽寺寺東有石狀如臺師乃結菴於上號石頭和尚門人問曹溪音旨誰人得師曰會佛法人得曰師還得否師曰不會佛法所著有參同契注至元和中化去壽九十有一建塔於東嶺長慶中諡無際大師黃通志

國朝雍正十二年封智海無際禪師

大清一統志

定慧大師六祖弟子唐時始開翁源靈池山景龍初置寺額爲翁山寺在縣東北一百里碑云昔開山和尚靈震真身僞漢封普勲定慧大師輿地紀勝崛多三藏天竺人也東遊韶陽見六祖於言下契悟後遊五臺至定襄縣見一僧結菴而坐三藏問

韶州府志卷三十八

列傳

釋

十一

曰汝孤坐奚爲曰觀靜三藏曰觀者何人靜者何物汝何不自觀自靜僧茫然莫知其對三藏曰汝出誰門耶曰神秀禪師三藏曰我西域異道最下根者不墮此見兀然空坐於道何益其僧却問三藏所師者何人三藏曰我師六祖汝何不速往曹溪決其真要僧卽捨庵往參六祖三藏後不知所終傳燈錄

永光禪師六祖弟子能伏虎出卽有虎隨之立圓

明寺爲韶禪之宗寺今廢舊志

道廣郴人姓朱氏駐錫韶州仁壽臺卽今光運寺羣丐所居與臺密邇師日持盂化食以所得同之

一器爲和羅飯飼諸乞而食其餘天寶元年韶大
早徑往瀆武合流處浮坐具沿流至官灘溯洄而
上謂人曰雨將至矣須臾陰雲滿空霖雨沛下天
寶二年坐逝元豐間賜諡寂通證誓大師上同

宋孫時敏撰光運寺證誓大師碑銘乾道九年仲
冬朔光運寺住持僧正成謁孫子曰儒佛之道相
爲表裏如來以心印相授不立文字非通儒故其
關鍵學者莫知所從入曹溪老盧親受衣鉢於黃
梅必得柳宗元劉禹錫潤飾之然後其道益尊今
吾招提寂通證誓大師道場也一方信向欲雨欲
暘應祈如響碑刻蔑然無述舊有行狀建炎兵火
煨燼弗存流俗相傳訛鄙失真子懋實以記顛末
吾將鑱石焉子復之曰此吾素心也春二月望先
君捐館卜三月五日定期將及淫雨不止余窘甚
奉香哀告於師又明日陰雨剝散霽色舒麗遂克
襄事未知報師之所秉筆記述何敢辭於戲師之
生歲己巳唐高宗總章二年也師之寂歲在癸巳
明皇天寶二年也距今癸巳之歲遙遙四百三十

韶州府志卷三十八

列傳 釋

載其詳不得而聞矣攷諸余襄公塔銘及韶州圖
經僅得其畧焉謹按師郴人姓朱氏法名道廣幼
而悟空長棄俗禮衡州超和尚祝髮於福田寺其
於南嶽梵行孤孑法相嚴冷振錫遨遊止於韶州
仁壽臺羣丐所居與臺密邇師日持盂化食比屋
以所得蔬飯同之一器爲和羅先餉貧病羣丐飯
足自餐其餘行之悠久不倦天寶元年韶大旱農
畝龜坼馮君雩禱無應師慨然曰吾食於人旱魃
肆虐當與人同病徑詣瀆武二水合流處浮坐具
水上合爪正坐隨流下官灘溯洄而歸謂人曰雨
且至矣老稚懽迎於臺見庭中井霧氣上騰黑龍
躍起密雲布虛大雨沛然千里沾潤變凶爲豐明
年冬十月二日趣門人具湯澡盥罷危坐瞑而寂
異香盈室門人築浮屠以安師像壽七十五臘五
十五羅網舊聞可書之事止於此爾余以是知師
心廣大慈悲此師所以證果成佛也今寺建於隋
初仁壽臺以年名也及師居之世呼廣和尚院唐
僖宗時郡守謝君肇惡其斥師名改曰廣明院亦
以年名也僞劉專制謚師曰輔聖名其塔曰寶元
寺日光運具龍舟以迎師與六祖同入宮加謚證
真寂照焉皇朝元豐賜諡寂通證誓大師寺塔名
仍其舊建炎五年郴寇窺境欲劫師以歸前期郡

守管君因可夢師假館既寤奉師坐亡之像於州治寇至無所得焚寺而去紹興八年副總管韓侯京起其廢規模比舊差隘塔不復治寺成奉師真像以歸余既書師事系之以偈偈曰佛法從西來暗與儒道合吾儒惻隱端卽是佛慈悲慈悲與惻隱同實而異目若有善男子哀愍濟衆生普視大千界願同沾利樂不起有私心反手成佛道稽首寂通師性根大智慧一念百千念不離慈悲心常持和羅飯先餉貧病者不自厚其身無有不厭足同憂歲大旱浮水現法力驅龍洒甘雨無有不沾潤師心本湛然未嘗有作爲及其有作爲哀愍衆生故師寂四百歲慈悲如在時兩賜或愆期應禱如袍鼓願終惠此方淨洗千劫塵歲歲是豐年在成樂土咸知大慈悲信響永不怠

本靜絳州人幼披緇于曹溪之室受記司空山無相寺天寶三年遣使揚光庭採長春藤因造文室禮問曰願和尚開示曰貧道偃山傍水無所用心光庭泣拜曰爲求佛耶問道耶若欲求佛卽心是

韶州府志卷三十八

列傳 釋

十三

佛若欲求道卽心是道光庭具以所遇奏聞卽勅

光庭詔靜到京住白蓮亭謚大曉禪師

嶺海名勝記

惠朗姓歐陽年十三出家二十於南嶽寺受戒往

江西謁馬祖得佛無知見之說復還南嶽侍石頭時有同名朗者故以招提朗別之石頭歿將遊羅浮至都渚曰茲地清氣盤鬱足以棲神遂居之門

人劉軻爲勒碑

舊志

湖南東寺如會禪師始興曲江人初謁徑山後參大寂學徒旣衆僧堂床榻爲之陷折時稱爲折床會仰山與師訓誥甚洽後有東寺若在慧寂不致寂寥之語長慶癸卯安坐示滅謚傳明大師

曲江縣志

惠慈禪師河北人姓陳咸通初乘虎入仁化駐錫大雲寺咸通十三年坐化立塔雨旱禱之有應鄉人號爲聖師塔舊志

小釋迦諱惠寂保昌懷化葉氏子九歲出家十七披剃十八往曹溪真藏主位下聽維摩經其年往吉州孝義寺禮性空和尚爲師空曰吾非汝師新淦就源山有老宿名真應汝可往彼寂如其言就源曰六代祖師臨滅時謂老僧曰吾滅後三十年南方有一沙彌到來大興此教今付與汝後往洪州觀音寺一日有異僧在前禮拜起問和尚還識字否寂曰巖淺僧畫一畫寂添爲十字僧添爲卍

韶州府志卷三十八

列傳

釋

十四

字寂作一團團卍字僧右旋一匝翹足於寂前作樓至佛勢寂曰是諸佛護念汝亦如是吾亦如是僧曰善哉善哉本來東土禮文殊今日卻見小釋迦禮拜出門騰空而去因號曰小釋迦唐武宗會昌元年至袁州仰山結菴三年四月十二日忽風雷暴作山上神祠巨松皆移向齋田山下三十里咸通五年賜號知宗大師乾符四年賜號澄虛大師中和三年二月十三日入滅天祐十一年賜諡通知大師靖康初加諡靈威相傳是山遇有雄人

至則錫杖先鳴

嘉定志

如敏福州人住韶州靈樹山烈宗高祖累加欽重
署爲知聖大師或問佛法至理若何如敏展手而
已又問年多少答曰今日生來朝死居嶺表四十
餘年頗有異迹高祖初立有事于師旅將詣院決
臧否如敏已先知恬然坐逝及高祖至驚問何時
得疾對曰師無疾適受一緘令呈大王開函得一
帖子云人天眼目堂中上座高祖悟其意遂寢兵
乃召第一座登堂說法卽雲門文偃也賜如敏號
曰靈樹禪師

十國春秋

廣悟禪師諱竟欽姓王氏西蜀益州人幼投峨嵋
黑水寺爲釋子二十一歲具戒巡禮晚見雲門得

韶州府志卷三十八

列傳

釋

十五

三昧時劉氏龔僭號嶺南尤尙西教如靈樹知聖
雲門匡眞皆當時欽重而師居其一僞漢劉晟嘗
召問甚喜賜以磨衲方袍太平興國二年預戒作
塔五月二十三日畢工與諸緇流夜話焚香合掌

而逝

舊志

文偃嘉興人姓張氏幼依空王寺空澄律師出家
敏質生知慧辨天縱最後抵靈樹參如敏禪師初
如敏住山二十年不立首座一日令擊鐘三門外
速延首座及衆僧出迓則文偃來也後繼如敏開
堂高祖親臨請益文偃曰目前無異路高祖大加
欣賞文偃倡道靈樹雲門凡三十年機緣語句實

立雲門之宗始以中宗乾和七年四月十日卒塔
全身於方丈後十七載示夢阮紹莊曰與吾寄語
秀華宮使特進李託奏請開塔于是後主勅迎內
庭供養逾月方還因改寺曰大覺諡大慈雲門匡
真宏明禪師十國春秋慶曆七年有叛寇唐和過其寺
欲爲害文偃現身在空唐和感悟本寺首僧霸因
而招降元祐八年賜號覺化大師輿地紀勝

陳守中撰雲門宏明禪師碑銘原夫真空無相劫
火銷而性相何來妙法有緣元氣剖而因緣何起
造化莫能爲關鍵元黃不可爲種根此乎十號之
尊出彼三祇之劫增莫知而滅甯覩詎究始終望
不見而名無言孰明去住不有中有不空中空匪
動匪搖常寂常樂拘留孫之過去釋種圓明毗婆
尸之下生元符合契繇是修行道著相好業成爰
授記於定光適度人於摩揭自是一音演說二諦

韶州府志卷三十八

列傳

釋

十六

宏宣開八萬法門化三千世界大乘六而小乘九
慧業難基欲界四而色界三昏波易染所以興行
六度接引四生求真者竟洗六塵修果者咸超十
地盡使昏衢之內俱萌捨筏之心大磨人天俾居
淨土其後衣纏白氎履脫金沙示無住之身現有
終之理於是迦葉結集阿難證真遞付心珠住持
法藏象教遠流於千載覺花遍滿於十方馬鳴興
護法之功能樹顯降魔之力師師相受法法相承
大化無窮不可思議而自我祖承運明帝御乾符
聖夢以西來圖粹容而東化金言玉偈摩騰行首
譯之文鹿苑雜林佛朔遂身遊之化迨於魏晉迄
至隋唐達理者甚多得道者非少其如歷帝歷代
有廢有興未若當今聖明欽崇教相者也伏惟睿
聖文武隆德高明宏道大光孝皇帝陛下德參覆
載道合照臨叶九五之龍飛應一千之鳳歷承帝
譽有堯之慶鴻業敦興體下武繼文之基聖功崛
起每念八紘紛擾九土艱虞耀于戈弧矢以宣威
救生靈塗炭用聲明文物而闡教致寰宇雍熙櫛
沐忘勞鑿大禹之所未鑿造化不測開巨靈之所
未開慶雲呈而甘露垂嘉穀生而芝草出其於儒
也則石渠金馬刊定古今入索九邱洞窮淵奧其
於道也則探元抱璞得太上之妙門寶錄靈符授

虛皇之秘訣於機暇既宗於儒道注宸衷復重於
佛僧是以奉三寶於虛空福萬民於寰宇緝宮金
刹在處增修白足黃頭聯辰受供而乃頻彰瑞感
顯應昌期矧以韶石奧區曹溪勝地昔西來智藥
三藏駐錫於曹溪曰一百七十年後當有無上法
寶內身菩薩於此興化學道者如林故號曹溪曰
寶林也二十八祖之心印達磨東傳三十三代之
法衣祖師南授自六祖大師登正果之後所謂學
者如林天天下高僧無不臻湊者矣大慈雲匡聖宏
明大師者則別穎一枝也大師澄真不渾定性自
然馳記薊之高名躡迦維之密行惠燈呈燿智劍
發剛六根淨而五眼清不染不著四果澄而三
明朗自悟自修啟禪門而定水泐澄搜律藏而戒珠
瑩徹水上之蓮花千葉清淨芬芳空中之桂魄一
輪孤高皎潔機無細而不應道有請而必行固得
百福莊嚴萬行圓滿盡諸有漏達彼無為師諱文
偃姓張氏吳越蘇州嘉興人也生而聰敏幼足神
風不雜時流自高釋性纔逾卯歲便慕出家乃受
業於嘉興空王寺律師志澄下為上足披經懺偈
一覽無遺勤苦而成依年具尸羅於常州戒壇初
習小乘次通中道因聞睦州道蹤禪師闕鑰高險
往而謁之來去數月忽一日禪師發問曰頻頻來

韶州府聖卷三十八

列傳

釋

七

作什麼對曰學人已事不明禪師以手推出云秦
時輟轡轡師因是發明微而有理經數載策杖入
閩造於雪峯會下三禮之後雪峯和尚頗形器重
之色是時千人學業四眾咸歸肅穆之中凡聖莫
測師朝昏參問寒燠屢遷昂鶴態於羣流問禪扉
於方小因有僧問雪峯曰如何是觸目不見道運
足焉知路雪峯曰咩其僧不明舉問師此意如何
師曰兩斤麻一疋布僧又不明復問可義師曰更
奉三尺竹僧後聞於雪峯峯曰噫我常疑箇布衲
其後頗有言句繁而不書乃於眾中密有傳授因
是出會游訪諸山後雪峯遷化學徒問曰和尚佛
法付誰峯曰遇松偃處住學徒莫測偃者則師之
法號也遺誠至今雪峯不立尊宿辛未居於曹溪
旋謁靈樹故知聖大師如嶽以識心相見靜本畧
同儔侶接延僅逾八載丁丑知聖忽一日召師及
學徒語曰吾若滅後必遇無上人為吾茶毗及戊
寅歲知聖大師順寂怡遇高祖天皇大帝駕幸韶
陽至於靈樹勅為焚熱果契前言也師是時奉詔
對眾便令說法授以章服次年又賜於本州為軍
民間掌師據知聖筵說雪峯法牧守何希範禮足
曰弟子請蓋師曰目前無異草是日問禪者接踵
其對答備傳於世師爾後倦於延接志在幽情奏

乞移庵帝命俞允癸未領衆開雲門山構創梵宮
數載而畢莫不因高就遠審地爲基層軒邃宇而
湧成花界金繩而化出曉霞低覆絳帷微觀於雕
楹夕露散垂珠網輕籠於碧瓦
透迤皆潑黛堆藍泉幽而聲激珠璣松老而勢擎
空碧由是裝嚴寶相合雜香廚樞衣者歲溢千人
擁錫者雲來四表菴羅衛之林畔景象無殊者闍
岫之山中規模匪異院主師傅表奏造院畢功勅
賜額曰光泰禪院至戊戌歲高祖天皇大帝詔師
入關朝對有容因宣問曰作麼生是本來心師曰
舉起分明帝知師洞韞元機益加欽敬其日欲授
師左右街大僧錄遜讓再三而免翌日賜師號曰
匡眞大師延駐洩旬賜內帑銀絹香藥遣迴本院
厥後常注宸衷頻加賜賚尋伏遇中宗文武光聖
明孝皇帝繼承鴻業廣布皇風廓靜九圍常敬三
寶復降詔旨命師入於內殿供養月餘仍賜六銖
衣錢絹香藥等却旋武水井預賜塔院額曰瑞雲
之院寶光之塔師禪河浩淼聞必驚人
則云正好辨有問道者則云透出一字有問祖師
意者則云日裏看山凡所接對言機大約如此了
義元遠法藏幽微化席一興歲華三紀師於生滅
處在色空中來若鳳儀作僧中之異瑞去同蟬蛻

詔州府志卷三十八

列傳 釋

六

爲天外之浮雲於屠維作噩之歲四月十日寢膳
微爽動止無妨忽謂諸學徒曰來去是常吾當行
矣乃命侍者奉湯師付湯椀於侍者曰第一是吾
著便第二是汝著便亟令修表告別君王乃自札
遺誠曰吾滅後不得毀俗家著孝衣哭泣備喪車
之禮則違我梵行也付法於白雲山實性大師志
序其日子時瞑目怡顏疊足而化嗚呼化緣有盡
示相無生端然不壞之身寂爾歸眞之性惠海雖
乾於此界法山復化於何方峯雲慘澹以低垂衆
鳥悲鳴而不散學徒感極瞻雁塔以銜哀門客戀
深拜禪龕而雪涕以當月二十有五諸山尊宿
四界道俗送師入塔壽齡八十六僧臘六十六香
飄數里地振一隅護法龍神出空虛而閃爍受戒
陰騰現髣髴之形容其後諸國侯王普天僧衆聞
師圓寂競致齋羞而後一十七年我皇帝應天順
人垂衣御極極順三靈而啟聖紹四葉之耿光大振
堯風中興佛法至大寶六年歲次癸亥八月有雄
武軍節度推官阮紹莊忽於夢中見大師在佛殿
之上上天色明朗以拂子招紹莊報云吾在塔多時
汝可言於李特進秀華託他奏聞爲吾開
塔紹莊應對之次驚覺懸然是時李托奉勅在詔
州於諸山門寺院修建道場因是得述斯夢修齋

事畢迴京奏聞聖上謂近臣曰此師果圓滿坐化
多年今若託夢奏來必有顯現宜降勅命指撫韶
州都監軍府事梁延鄂同本府官吏往雲門山開
塔如無所壞則奏聞迎取入京梁延鄂於是准勅
致齋然後用功開鑿菩薩相依稀旋都蓮花香馥
郁先聞須臾寶塔豁開法身如故眼半合而珠光
欲轉口微啟而珂雪密排髭髮復生手足猶軟放
神光於方丈見耀移時與瑞霧於周迴氤氳永日
卽道卽俗觀者數千靈異旣彰尋乃具表奏聞勅
旨宣令李托部署八船往雲門修齋迎請天吳息
浪風伯清塵直濟中流俄達上國勅旨於崑崙步
駐泊翌日左右兩街諸寺僧衆東西教坊四部伶
倫迎引靈龕入於大內螺鈸鏗鏘於玉闕幡花羅
列於天衢聖上別注敬誠賜昇秘殿大陳供養疊
啟齋筵排內帑之瓊珍饌天廚之蘊藻列砌之驪
珠斛滿盈盤之瓊玉花明浮紫氣於皇城炫靈光
於清禁聖上親臨寶輦重換法衣謂侍臣曰朕聞
金剛不壞之身此之謂也於是許羣寮士庶四海
蕃商俱入內庭各得瞻禮瑶林畔千燈接晝寶山
前百戲聯宵施利錢銀不可殫紀以十月十六日
乃下制曰定水亦澄源火蓮發豔夙悟無生之理永
留不朽之名萬象都捐但秘西乾之印一眞不動

韶州府志卷三十八

列傳 釋

九

惟發南祖之燈切卽州雲門山證眞禪寺匡眞大師
早契宗乘洞超出覺雖雙林示滅十七年廢易金
軀隻履遺蹤數指年應迴慈嶺朕顯膺歷數續嗣
丕圖泊三朝而並切皈依乃一心而不忘迴向仰
我師而獨登果位在沖人而良所歎嘉宜行封賞
之文用示褒崇之典可贈大慈雲匡聖宏明大師
證眞禪寺宜昇徑大覺禪寺重臣將命乳奠坤儀
太常行禮於天壇綸誥宣恩於雲陛固可冥垂慈
貺密運神通資聖壽於延長保皇基於廣大師在
內一月餘日聖澤優隆七寶裝龕六銖裁服頒賜
所厚今古難倫當月二十九日宣下李托部署却
迴山門有參學小師雙峯山長老廣悟大師賜紫
竟欽溫門山感悟大師契本雲門山上足小師應
悟大師常寶等同部署眞身到闕亦在內庭受供
恩渥異常其諸上足門人常厚等四十餘人各是
章衣師號散在諸方或性達禪機或名高長老在
京小師悟明大師都監內諸寺賜紫常一等六十
餘人或典謀法教或領袖沙門臣才異披沙學同
鑄水虔膺鳳旨紀實性以難周愧匪雄詞勒貞珉
於不朽乃爲銘曰於穆大雄教敷百億亨育二儀
提攜八極不滅不生無聲無色卓爾神功昭然慧
力其化無不周道無不備法旣流兮教旣布矣爰

示滅藥歸乎妙理寶性真宗枝分風糜其祖祖傳
心燈燈散燭證諦騰鑣聖賢交躅種種津梁門門
杆轉正覺廣焉尋之不足其厥有寶林重芳一葉
布無上乘登無上機法炬幢臚尼珠燁煜拯溺迷
津救焚塵劫騏南北學徒搥衣朝夕無醉不醒無
昏不釋示其生焉來彰慧績示其滅焉歸圓真寂
琪湛然不動塔韞寶光玉臺彌赫金相彌莊時乎
未矣我則晦藏時乎至矣我則昭彰煇爰於明朝
現茲法質如撥障雲重舒朗日瑞應皇基福隆帝
室聖覽禎祥恩頒洋溢三翼沿派千里請迎迎
來丹闕設在三清金銀羅列瓊壁堆盈俄生紫氣
潛覆皇城祺日陳供席夜奏笙歌施億寶貝捨萬
綺羅神傾蒼荀天降曼陀前佛後佛顯應斯多煇
明明聖君仁仁慈主聖比和風慈同甘雨祥與天
長教將地固勒之
貞珉永芳千古

子祥字性實文偃之法嗣也居韶州白雲山大闡
雲門宗乘初住慈光院中宗召入問祖意教意是
同是別子祥應對稱旨及將示滅白衆曰去此卽

韶州府志卷三十八

列傳 釋

二十

他方相見言訖而逝又韶州有章禪師者中宗問
如何是禪良久不置對中宗莫測其旨因署號曰
禪想亦文偃弟子

十國
春秋

師簡洽光人廣平元年黃巢破西衡州至開元寺
將焚佛殿巢以劍擊柱問師曰惜命乎惜殿乎師
正色厲聲曰惜殿巢遂斬之遍體皆白乳殿得不
壞今柱間劍跡猶存

輿地
紀勝

聰公者新州人姓譚氏生南漢時自幼嗜佛往南
華參禮六祖遂爲沙彌持戒律甚肅忽一日夢祖
師語曰今夜三更吾當有難汝能救我乎其夜寺
火焚至塔殿乃祖師圓寂之處寺僧移之勿動惟

聰昇出山門衆大驚異常欲航海往普陀夜夢祖云我昔有難荷汝護持汝今南行當爲汝說逢東則住逢林則止又曰早結菩提緣能救衆生苦聰密記夢中語遂止清遠東林寺日往寺之西採蘆葦造筏凡數百維于江滸邑人怪之踰旬有寇暴起入境邑人賴筏渡于南岸得免寇退人競以金帛酬之而聰已于竹林中坐逝矣寺僧以香泥塑其身奉之

黃通志

贊聖禪師姓盧氏名道倫新興人童時削髮遊韶州雲門山事洪智大師後至新州居龍境山法相禪院坐化其徒并縣人塔而瘞之踰三年塔忽自

韶州府志卷三十八

列傳

釋

三

裂光明皎然啟塔出之金剛色凝自若僞劉贈洪直廣福贊聖大師

同上

宋

惠林姓鄧氏曲江人少學儒喜談王伯旣而誦梵經披剃遊方以詩鳴江淮間博覽廣記推爲文章僧參洞山自寶密受心印南還結白蓮菴余靖爲之題云掩室昔宴居冥心遺萬化菡萏本無染紛華共高謝夜禪杉月落晨齋庭鳥下棟間雲氣浮地面秋香詫演法辭故棲幽蹤賁寒野蠟屐此同遊願結宗雷社住月華寺同邑有邵思和尚者姓李氏嘗遊天台衡岳後見洞山得悟入之要一僧

皆與余靖爲友且爲銘其壽塔同時有龍光曉空
建封靈樹伏坑理皎皆名僧其派實本自曹溪云

黃通志

重辯南華寺僧也蘇軾謫惠時遊南華寺辯延館
加厚又請書柳碑軾至惠以枕椰杖寄之比從海
南還則辯已寂久矣問其塔墓所在衆曰我師昔
在壽塔有不悅師者葬之別墓旣七百餘日矣今
長老明公獨奮不顧發而歸之壽塔改棺易衣舉
體如生衆乃大服軾曰辯視身爲何物棄之陀林
以飼鳥何有安以壽塔爲明公知辯者欲以化服
同異而已乃以茗果奠其塔因書其事以遺其弟

韶州府志卷三十八

列傳 釋

三

子可興時元符三年十二月十九日也明公卽師
塚嘗以四偈示軾軾答其一云宿業相纏四十年
常行八棒十三禪今著衲衣歸玉局可憐化作五
通僊又有珪首座者受請爲龍光山長軾過求大
竹作肩輿留一偈云斫得龍光兩竹竿持歸嶺北
萬人看竹中一滴曹溪水漲起西江十八灘軾喜
禪學故所至緇流皆樂與之遊

同上

了政曲江人出家萬華寺戒行清高性量寬洪好
學博通三教典籍時諱名德領薦嗣法佛國真覺
禪師歸住南華三司檄爲峽山住持

禹峽山志

黃龍死心禪師諱悟新曲江黃氏子生有紫肉幕

左肩右袒如僧加黎參晦堂大悟因號死心叟繼黃龍道場語播諸方說偈坐逝茶毘舍利五色過其地求之卽獲舊志

清一叟新安人住海光寺後參學吳越徑山端禪師師具通內外典留掌書記未幾宣政院舉充韶之南華寺住持廣州府志

龔卞宋淳熙七年試不仕修行於鍾靈寨時以道行聞於南粵王嘗建寺黃蓮一朝而聚千杉今樂昌散水坪是其故蹟也舊志

晞賜真陽人禪學甚博撰禪宗蒙求又刊捉蝨軒記流傳洪丞相适內翰邁與之遊邁詩云古屋蕭

韶州府志卷三十八

列傳 釋

三

蕭龍象悲壞墻何以當藩籬欲招鄉客同齋飲却恐闍黎誤白椎眼底青山隨處有心中白玉少人知打包隨我東風去庾嶺梅酸正及時輿地紀勝法廣真陽人儒釋兼通住金山哀諸僧記摘其要爲一集始自生滅暨于盛衰報應曰會要錄同上

明

祖祈號蘆江明化寺僧有智德嘉靖間羣黎樟廟賊反奉委入巢以輪迴之旨爲賊說法撫黃陳等三千餘人并獲士官失印院道獎賚所得以建靈濟祠年九十有八合掌而逝鄉人塑像奉之稱勸

善禪師

英德縣志

憨山大師姓蔡名德清江南全椒人年十二出家於金陵報恩寺比長入五臺山時明神宗前星未耀太后憂之建祈儲道場清實主其事光宗應期而生清遂遠遁東海之牢山后再徵不應賜帑金三千固辭使者不敢復命清曰古有矯詔賑饑者以此廣聖慈於饑民可乎使者持賑籍還報后感嘆爲造寺賜額曰海印明年有黃冠以侵占道院飛章誣奏被逮下獄所司具獄上坐私造院寺戍雷州清赴就編伍時兩廣制府戴耀送清住曹溪演法六祖之道勃然中興並修曹溪通志旋住廬山五乳峯下效慧遠淨修未幾還曹溪相國蕭雲

舉赴召過之劇談忽一日浴罷焚香危坐而逝曹溪水立涸百鳥哀鳴三日始入龕面顏發紅鬚髮皆長僧徒驚告謂清復生蕭目擊之先是有採珠開礦使入粵殊驛騷適使過曹溪清徐與言開採利害由是珠罷採礦額令有司歲解粵人誦其德旣亡越二十餘年見夢于宋總戎發其龕端坐如生遂畱身如六祖四方之人爲起塔院以供清有大學決疑莊子影響等書傳於世

舊志

澤萌遇禪師松江華亭縣孫氏子初生時異香滿室三歲乳食不納腥葷納則必吐總角時與羣兒戲常跏趺如僧狀令羣兒羅拜稍長出就外傳授

以章句過目成誦漸知大義孫氏一門數世好善
至父母爲淨行婆羅門然崇信外教從之遊者數
十百人日夕講論常侍聽知非正道乃發大願捨
俗出家參扣諸方發明大事還度二親年十九依
雲棲會下尊宿落髮閱二載禮洞下三宜和尚受
具發足參方往來天童之門洞徹元要未幾還里
省親適聚徒論義至力爲舉揚正法反復再三衆
無以難父母有省遂捨所學因師往依濟下費隱
和尚同時得度後嗣法千峯闡化廣福是爲德化
範和尚暨德修心菴主父母也夙願已酬報恩事
畢直入匡廬時天然和尚主法歸宗公一見契合

遂結茅于巖壑深邃之處後返雷峯乃受付囑丙
寅歲主席丹霞十餘年雲水入門不費紙裏出納
淨財悉歸庫司別無所營衣敝自補不求新製服
垢自浣不委侍隨稍有贏餘分給窮乏二時行道
不間晨昏示寂時留偈示徒而逝

咸陟堂
文集

今辯字樂說番禺麥氏子兄弟四人皆有文名師
季子也家貧事母孝嘗學帖括于梁之佩之佩者
卽今之海法禪師也導以內典梵行忽有所省求
行脚僧引至匡廬參天老人求爲薙染庚子還雷
峯受具澹歸禪師闢丹霞迎天老人開剎法席師
劬維甚力鞠明究曠習不沾席者數年從此悟入

戊申解下悟以大法分座丹霞

海雲禪藻

今佛字干一新會人李姓邑諸生慷慨節烈士也世亂父為豪猾所害闔門老幼皆被其慘佛匿山澤間得免潛避親弗家日夜思報父仇久之猾亦輕其孱息不復置念單騎出入自忘戒備佛藏刃懷中訶伺得間一日遇猾道左立刺其胸割其首鳴之于官官憫其孝原之遂易服禮華首老和尚剃度受具充芥菴監寺後事天老人為棲賢典客卒于丹霞

今端字毫現新會蔣氏幼為章縫之士生長富室衣絲曳縞持梁刺肥晚好茹淡服素視家事豪華

韶州府志卷三十八

列傳釋

三

忽如朝露初易儒服于雷峯遂稟具隨老人主法丹霞推為龍護園主龍護乃丹霞僧郵居雒州孔道能接待十方雲水久之返雷峯教習諸初學手不釋卷休老而終其子一子相繼出世為察元俱同

今龍陸圻字麗京更字景宣錢塘貢士甲申後隱于醫賣藥長安市後棄家為浮屠居韶州之丹霞

山

經義考

禮天然禪師法名今龍

香祖筆記

其詩文采組

六朝醫方酒令觸口悉成糲飯冷菜捫蝨而談相對者忘其穢也晚因史禍牽連既得釋訪澹公于丹霞精舍轉入武當為道士不知所終

明詩綜

今毬字雪木東官尹氏子生長名閻幼知向上宗門童年子身皈雷峯爲沙彌供汎掃辛丑受具選侍司嚴奉毘尼學通宗說而惟慈煦謙遜若不及與人言輒面赤恐有所失澹歸和尚期許特至自言于澹公語錄多所默契云隨老人七住道場未嘗少離惟居丹霞時嘗一充龍護園主而已泊老人示寂後依樂說和尚自粵西至七閩笠杖相從者數年比樂和尚示寂長慶則依鼓山爲老和尚生平無一日離善知識會下晚自長慶歸丹霞有法喜友欲贖其行知不可卻潛附他舟行乃遙報曰偶遇便航行不及別矣其耿介多類此有士人

書金剛經資薦其母夜夢冕而黻者語曰書經千卷不如雪木禪師口宣一卷其爲幽冥所重預可信矣辛巳訪舊雷峯暫憩海幢掃阿公塔遘寒疾而終僧臘四十一世壽六十著有懷淨土詩十六

首

海雲
禪藻

古義字自破新會人姓盧氏出世丹霞歷諸上刹皆典重職雅好游泳居海幢客寮方外開士無不知有破公者性嗜茶所居列佳茗第其上下著有茶論一篇挂錫名山雖多然住亦不久晚隱新州竹院瓶笙蕭然意泊如也後聞角子和尙繼席丹霞策杖來歸竟終于丹霞所著有詩百餘首

同上

何法隆明化寺僧成化間通慧性夜語人曰遲明將救母子十命次早人皆伺之果見抬一猪赴屠買之是夜生九子衆所見聞者咸信其通慧號爲

空慧禪師

英德縣志

楊齋姑崇正時人生不茹葷偶犯輒嘔少長虔奉大士像貞不字齋居一室足不出門久之晨起啟關曰某兒病吾往視之人尙未知也至某兒果危姑以水灑其面撫之卽痊自是鄉人凡有兒病抱往求摩無不立應者鄉有禍害能前知預戒鄉人神祀之

同上

國朝

韶州府志卷三十八

列傳

釋

三

行臘號西水族姓劉年十六錄科冠軍好讀書復白沙集崇正己卯司李馮秉清分房賞其卷爭元竟落之一日讀楞嚴經有會決志出家依朝宗和尚順治乙未欲度嶺往寶華以兵阻未果駐錫青蓮庵忽坐化留偈云處處皆爲般若場山山自有白雲莊丈夫各解翻身去豈肯甘心負臭囊

舊志

僧了石不知姓氏國初時在嶽雲山結菴有道行禪功靜潔不妄交接邑人李配仁少時常謁之與語契洽僧精於奇門遁甲六壬等術謂李曰是有秘異數當傳汝習之後有用處李舉於鄉作令南康大庾事有疑難以數斷之立決邑有神明之

稱僧年九十餘圓寂時作偈云半夜蒲團不放參
了明生死不相干月白風清歸去也萬座雲山挽
不還令弟子藏骸於菴後石塔下今跡尚存樂昌縣志
僧法清族姓李精岐黃之術康熙初結庵於寨下
村之路傍爲人治病隨手輒愈一日坐化庵中合
掌如生人不敢近久之其體不朽旋有塑匠攜物
料至云有僧雇余來此漆像鄉人意僧徒輩所爲
引至僧庵匠大驚曰此卽來雇余者鄉人神之爲
立廟於寨下墟之西岸嘉慶間焚其下體鄉人重
爲塑像并新其廟焉至今香火如積有疾苦者禱
之無不立應英德縣志

韶州府志卷三十八 列傳 釋

二九

漢道

康容道士也漢末隱韶州芙蓉山鍊丹昇僊山半
有庵丹竈遺址尚存舊志

五代

湏陽有方七千者在果業寺東嶺鍊金變形羽服
登仙石座丹竈存焉見唐元傑洞谷銘英德縣志

黃步松隱身不仕嘗修煉碧落洞洞中遇葛仙翁
點悟丹成羽化而去今有遇仙洞丹竈石存十國春秋

葛先生者嘗在碧落洞石室煉丹砂藥成息燄躡

雲而舉英德縣志

宋

乳源九仙韓氏之族生女皆處子曰信貞慧貞修
貞守貞慕貞靜貞妙貞清貞潔貞常靜室養蠶太
平興國二年三月三日往巾子峯巖畔採桑遇暴
風雷雨奄至陰晦失道入巖避之忘歸其夜半鄉
人共聞有樂聲從西北來自雲中降於巖次日覺
有異香時樵人蘇福保等亦以雨迷路宿峯側聞
樂聲次早過巖見諸女衿服若蟬蛻然身已去矣
惟有一詩於巖壁間云共作雲僊侶俱辭世界塵
靜思前日事拋却幾年身福保還報韓氏其父母
共往視之巖已闔矣號哭莫追有一女子於巖內
呼其父曰無憂我汝當爲土地神至今韶州府行

韶州府志卷三十八

列傳 道

三

院內有韓家土地之名初時常有僊樂綵仗霓旌
絳節鸞鶴紛紜五雲降於峯巔鄉民遇早赴巖前
祈禱輒有應咸平四年鄧瑛始創亭曰會僊有碑
記歲久字泯莫辨咸淳五年韓仲保別立廟於峯
下以便祭祀凡祈雨必沐浴齋戒先一日巫師焚
牒於廟次詣巖傍俟其蜥蜴大小數十旋遶而出
巫師取一二置盆水鼓樂導迎以歸官民羅拜雨
立至後之傳者又以爲韓趙羅三姓九女要其蛻
化靈應無可疑者

舊志

明

范嵩英德人年二十一貧不識字因土名牛牯水

最險嵩日修路遇二人昇之過水二人以一丸與嵩吞之且教之吟曰綠水滔滔一色青嵩應日行人到此戰兢兢二人曰有緣得遇同談話嵩復應曰我爲工夫爾爲程由是開口成章常自吟云幽林獨悟少人知散步雲霞道幾遲世界眼前誰我識逍遙墟裏作孩兒又云鳥啼花落一天機落處啼聲最可思祇是都忘花鳥相天機端的在斯時詩甚多不盡紀後往羅浮不知所終舊志

羅清四會人少事道教往武當從師受法遂能役使鬼神禱雨立應邑有邪魔爲害以法滅之今英

德有羅公祠

肇慶府志

韶州府志卷三十八

列傳 道

三

獯蠻

昔高辛氏有犬戎之寇訪募有能得犬戎吳將軍頭者購黃金千鎰邑萬家又妻以少女時有畜狗

其毛五色名曰槃瓠

魏畧曰高辛氏有老婦居王室得耳疾挑之得物大如

婦人盛瓠中覆之以葉俄頃化爲犬因名槃瓠

遂銜人頭造闕下乃吳將

軍首也帝大喜而計槃瓠不可妻以女女聞之以爲不可違信不得已乃以女配槃瓠槃瓠得女負而走入南山止石室中所處險絕人跡不至遣使尋求輒遇風雨震晦使者不得進生六男六女槃瓠死其母歸使迎諸子衣裳班蘭語言侏離好入山壑不樂平曠帝順其意賜以名山廣澤無關梁

符傳租稅之賦有邑君長皆賜印綬今長沙武陵

蠻是也

後漢書南蠻傳

案廣南獠獠卽五溪蠻皆槃瓠之種也郡屬深山獠人錯處宜詳其種類而風化之今錄後漢書一則以誌緣起

曲江縣獠人居縣屬之西山距城百二十里男子椎髻環耳領緣尙繡膝以下束布至脛常用囊囊攜物出山貿易獠婦髻貫竹箭覆以花帕重裙無袴跣足而行能作竹木器舁負趁墟以易鹽米因婦人髻貫竹箭故概名曰箭獠

皇朝職貢圖

樂昌縣獠人居縣屬之大嶺及龍嶺脚二處距城

韶州府志卷三十八

列傳 獠蠻

三

五六十里其服飾與曲江箭獠彷彿或時用花帕纏頭獠婦亦槃髻貫箭短衣短裙能跣足登山亦常負物入市

乳源縣獠人居深山中耕山爲業距城百五十里有生熟二種生獠不與華通熟獠常出貿易頭纏花帕耳帶大環獠婦恆簪小竹桿二三枝復纏以髮用帕蒙之身衣短衫裙不蔽膝時有往來城鄉與民人市易鹽米者

俱同上

英德縣獠人居杉木角黃茶山

阮通志

宋顧孺履知

英德府招撫獠尙顏得遇作歌勒南山率土王民樂陶陶大戎亦民今婆娑適正人天依中和日月

不老朝山河 粵東金

石畧

韶州府志卷三十八

列傳

搖蠻

三

韶州府志卷三十八終

三

